

Kukua katika Neema Huanzia Nyumbani

Kwa kuwa Bwana, Mungu, ni jua na ngao, Bwana atatoa neema na utukufu. Hatawanyima kitu chema Hao waendao kwa ukamilifu—**Zaburi 84:11.**

Kuna wengi ambao hawakui katika neema kwa sababu wanashindwa kukua dini nyumbani.

Wanafamilia wanapaswa kuonesha kwamba wanamiliki daima nguvu waliyopokea toka kwa Yesu. Wanapaswa kufanya vizuri zaidi katika kila tabia na utendaji, hivyo kuonesha kwamba wanatunza daima mbele yao kile inachomaanisha kuwa Mkristo.

Wale ambao ni Wakristo nyumbani watakuwa Wakristo kanisani na ulimwenguni.

Neema inaweza kusitawi tu ndani ya moyo ambao unaandaliwa kila wakati kwa ajili ya mbegu za thamani za ukweli. Miiba ya dhambi itakua katika kila udongo; haihitaji kuoteshwa; lakini neema lazima ipaliliwe kwa uangalifu. Michongoma na miiba huwa tayari kuchipua, na kazi ya utakaso ni lazima isonge mbele daima.

Kile ambacho kitaifanya tabia kuwa ya kuvutia nyumbani ndio kile kile ambacho kitaifanya kuwa ya kupendeza katika makao ya mbinguni. Ikiwa unataka kuwa nuru ya ulimwengu, nuru hiyo lazima iangaze kwanza nyumbani mwako. Hapa unatakiwa kuwa kielelezo cha neema ya Kristo, kuwa mtu wa kupendeka, mvumilivu, mkarimu, lakini aliye thabiti.... unahitaji kutafuta kwa bidii ukuzaji wa juu wa akili na roho.... Kama mtoto wa Mungu mnyenyekevu, jifunze katika shule ya Yesu Kristo, tafuta daima kuendeleza nguvu zako, ili kwamba uweze kufanya kazi sahihi na iliyo kamilifu kwa kanuni na kuwa kielelezo.... Hebu nuru ya neema ya mbinguni ing'arishe tabia yako, ili kwamba paweze kuwepo na miale ya jua nyumbani.

Kipimo cha Ukristo wako kinapimwa kwa tabia ya maisha ya nyumbani kwako. Neema ya Yesu inamwezesha aliyenayo kupafanya nyumbani kuwa mahali pa furaha, pakijawa na amani na utulivu.